


清·方略館 編

清代 方略 全書

北京圖書館出版社





清代方略全書

一九六

清·方略館編

北京圖書館出版社

清·奕訢等撰

欽定平定雲南回匪方略

卷二六——三八

清光緒二十二年（一八九六）鉛印本

欽定平定雲南回匪方略卷二十六

乙丑年

六月十四日

丁未

林鴻年奏言欽奉

諭旨命臣剋日馳赴昭通會同勞崇光將滇省勦辦事

宜妥籌布置並令駱秉章接濟滇餉是臣之行

必需有餉臣之餉必待於川已在

聖明洞鑒之中無如函牘頻催百無一應現在思茅普

備向洱次第克復誠如

聖諭尙有能戰之將可用之兵若得餉需應手臣便可

躬親督率步步進規軍務自有起色應請

飭令駱秉章力顧大局將川省協滇之餉源源接濟俾

利軍行

林鴻年又奏言滇省餉項奇絀來營請餉者絡

繹不絕臣皆無以應之查滇省無事之時所需

協餉甚鉅今糜爛至此而協餉不至何從責令

防勦況滇中能戰者多雖桀驁難制尙幸未盡
附逆所望餉力能支方能設法羈縻以堅其志
蓋治滇回在先勦而後撫馭滇練在先恩而後
威故臣於各路之請皆以在川措餉爲詞免其
失望今若無餉而入昭通則彼驕悍之徒勢必
藉口索餉環起而攻臣若身當其厄亦不過效
潘鐸之捐軀非特無裨地方並且有傷

國體現在馬如龍岑毓英來稟均有乞休之言臣

以該員等新受

而文

苦良當其臥衣不蠶蛟

恩命宜協力西征及時報稱不允所請該員等又以乏

餉爲詞

臣

祇得以在川候餉將來必與接濟空

言拊慰凡此均亟須濟以經費滇局始可支撐

儻得兵餉朝至則

臣

軍卽可夕發如其無餉雖

軀命輕捐於事仍然無濟耳

燕漢帥尙幸未盡

著卅林鴻年又奏言臣營差遣乏人查有補用道前
齊中任成都府知府楊重雅才學膽識出類拔萃現
附齊在四川候補堪以就近督辦滇省駐川後路糧
餉餉臺候選道沈壽榕才識明幹熟悉情形堪以辦
自理捐局應請旨及該部覆以對策改隨吏部

飭令楊重雅沈壽榕幫辦滇省軍務俾臣得收臂助之

命軍效奏入

上命軍機大臣傳諭駱秉章勞崇光林鴻年曰滇省糜爛已久自思茅普洱克復後尙屬有機可乘林鴻年自應懷遵疊次諭旨迅赴滇境以便就近調度惟所陳餉糈支絀亦係實在情形現在欲籌滇餉非由川協濟更無別策是以屢經諭令駱秉章隨時量爲接濟俾利軍行該督素顧大局斷不至置滇事於不顧著仍遵前旨先籌給銀數萬兩俾林鴻年得以起程

前進嗣後仍每月設法源源接濟俾無缺乏林鴻年
卽迅赴昭通裹糧前進分撥各軍士次第辦理庶期
滇事日有起色所陳治滇回在先勦後撫馭滇練在
先恩後威該撫到滇後卽可次第見諸施行方不至
空言無補道員楊重雅沈壽榕旣據林鴻年稱其可
用卽著交該撫差委以資臂助勞崇光身任兼圻屢
經諭令赴滇且徵兵籌餉尙不至如林鴻年之難仍

著懷遵前旨督率兵弁迅速啟程馳赴迤東與林鴻
年籌商辦理不得遷延貽誤致干重咎

奏言七月初八日

庚午

林鴻年奏言

臣

自任事以來已

犬恩經數月雖身居西蜀而心繫南荒茲於六月二

日奉十七日起程前赴川滇交界之敘州府地方暫

駐紮一俟餉需應手卽由敘州先辦昭通再

前由昭通以至東川節節規取以爲收復全滇之

曹計查從前吳振械張亮基辦理滇事皆帶有重
兵鉅餉尙因逆回勢盛迄無成功今滇亂已及
十年糜爛更非昔比臣赤手空拳豈遂能指揮
命軍立定惟有仍懇秉章林鴻年曰林鴻年留省川

天恩諭令駱秉章破除成見迅速代籌滇餉以顧大局
林鴻年又奏言查有逾限被議之已革澂江府
知府朱鴻已革麗江縣知縣王正璽已革廣通

縣知縣毛文豐自獲咎以來頗知愧奮如荷

天恩准其隨營自效以贖前愆仍由臣隨時察看如果

不堪任使立即叅撤斷不敢稍涉遷就奏入

上命軍機大臣傳諭駱秉章林鴻年曰林鴻年留住川

省爲時已久現在滇省迤東事機順手自應剋期前

往辦理以慰該省士民之望林鴻年擬赴敘州地方

暫爲駐紮相機節節規取所見尙是惟餉需無著自

不能不藉川省協濟前經疊諭駱秉章隨時量爲接濟諒該督必已竭力籌畫川省現在勦辦黔匪固須寬籌餉項而林鴻年現旣進規滇省餉需亦必不可少駱秉章總當力顧大局先行籌給銀數萬兩以後仍按月源源撥濟俾辦事不致棘手林鴻年卽迅速前進次第籌辦不得以待餉爲詞遷延觀望致干咎戾已革澱江府知府朱鴻等三員均准其隨營效力

以贖前愆儻不能得力卽著林鴻年隨時叅撤

十四日

丙子

林鴻年奏言滇省糜爛已久本省無

餉可籌前經奏明於四川外添設湖北湖南山

西三省勸捐惟各該處距滇較遠鞭長莫及故

不得不先望四川之捐惟有仰懇

天恩飭下四川督

臣

轉飭藩司與

臣

行營藩臬兩司及

總辦捐輸之蕭浚蘭等仿照川省援甘捐輸辦

法一體會印會辦則滇餉方有把握所有湖北

湖南山西三省捐務臣委員前往設局開辦應

請

飭下各該督撫藩司查照四川藩司會同陝西委員勸

辦之法一體舉辦至於奉撥滇省協餉历年欠

解之浙江江西廣東湖南四川山西粵海關等

處合計數在六百萬兩以上其中川省所欠已

至五六十萬兩之多若使各省量爲撥濟但得
十之一二軍務可望起色應請

旨飭催各該督撫監督等速爲撥解庶

臣

得所藉手

林鴻年又奏言護理通昭鎮總兵楊盛宗勦辦
龍寶山公雞山等處賊巢殲除鎖潮升阮幘忠
等著名各匪儘先參將楊先芝連年在元謀等
處防勦力扼杜逆並收復大姚白井定遠各城